



Memorijalni centar Srebrenica-Potočari Spomen obilježje i mezarje za žrtve genocida iz 1995. godine

Broj: 01-16-3-1359-8/22

Srebrenica, 26.08.2022. godine

Na osnovu člana 70. i 64. stav (1) Zakona o javnim nabavkama („Službeni glasnik BiH“ broj 39/14), Pravilnika o internim procedurama u postupku javne nabavke u Memorijalnom centru Srebrenica i direktnom sporazumu, broj: 01-02-3-1508/21 od 29.10.2021. godine i preporuke Komisije za nabavke konstatovane u Zapisniku o pregledu i ocjeni ponuda u otvorenom postupku, broj: 01-16-3-1359-7/22 od 26.08.2022. godine, predsjedavajući Upravnog odbora Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, donio je

O D L U K U

o izboru najpovoljnijeg ponuđača u otvorenom postupku

Član 1.

Ugovor za nabavku roba: "**Namještaj i oprema za arhiv**" u vrijednosti od 37.791,00 KM (slovima: tridesetsedamhiljadasedamstotinadevedesetjedan i 00/100 KM) sa uključenim PDV-om dodjeljuje se ponuđaču **KABAS d.o.o. Sarajevo**, Šeherehajina čikma br. 3, 71000 Sarajevo, koji je dostavio prihvatljivu ponudu sa najnižom cijenom.

Član 2.

Izabrani ponuđač iz člana 1. ove Odluke se obavezuje da u roku ne dužem od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datim izjavama iz člana 45. stav (1) tačka a), b) c) i d) i člana 47. Zakona o javnim nabavkama.

Član 3.

U skladu sa članom 70. stav (6) i 71. Zakona o javnim nabavkama, ova će se Odluka objaviti na internet stranici www.srebrenicamemorial.org i to istovremeno s upućivanjem Odluke ponuđačima koji su učestvovali u postupku javne nabavke.

Član 4.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, zajedno sa Zapisnikom o pregledu i ocjeni ponuda broj: 01-16-3-1359-7/22 od 26.08.2022. godine u skladu sa članom 71. stav (2) Zakona o javnim nabavkama.

O b r a z l o ž e n j e

Memorijalni centar Srebrenica-Potočari Spomen obilježje i mezarje za žrtve genocida iz 1995. godine je, u skladu sa članom 25. Zakona o javnim nabavkama, pokrenuo otvoreni postupak,

broj: 01-16-3-1359-2/22 od 18.07.2022. godine, za nabavku roba „Namještaj i oprema za arhiv“. Procijenjena vrijednost javne nabavke bez PDV-a iznosila je 60.000,00 KM.

Obavještenje o nabavci broj: 1348-1-1-29-3-11/22 objavljeno je dana 18.07.2022. godine; a Ispravka obavještenja broj: 1348-1-1-29-3-11/22 objavljena je dana od 01.08.2022. godine. Oba obavještenja objavljena u „Službenom glasniku BiH“ broj: 50/22 i 52/22.

Komisija za javne nabavke imenovana je Rješenjem, broj: 01-16-3-141/22 od 17.01.2022. godine.

Iz Izvještaja o preuzimanju tenderske dokumentacije preuzetog sa Portala javnih nabavki na osnovu objavljenog Obavještenja, broj: 1348-1-1-29/22 od 26.08.2022. godine, utvrđeno je da je tendersku dokumentaciju uključujući izmjene i dopune tenderske dokumentacije preuzelo ukupno 26 ponuđača.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 16.08.2021. godine u 11,15 sati u prostorijama Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, Potočari bb, Srebrenica, što je konstatovano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da su ponude blagovremeno dostavili tri (3) ponuđača sa cijenama kako slijedi:

1. KABAS d.o.o. Sarajevo sa cijenom od 59.997,00 KM bez PDV-a i bez popusta;
2. SALON BANKARSKE OPREME d.o.o. Sarajevo sa cijenom od 58.940,00 KM bez PDV-a i bez popusta
3. ADUT PLUS d.o.o. Banja Luka sa cijenom od 59.577,00 KM bez PDV-a i bez popusta

Na javnom otvaranju ponuda prisustvovao je ovlašteni predstavnik ponuđača SALON BANKARSKE OPREME d.o.o. Sarajevo.

Dana 18.08.2022. godine, Komisija se ponovo sastala radi pregleda i ocjene dostavljenih ponuda, odnosno da bi utvrdila da li ponuđači ispunjavaju uslove iz člana 45. do 52. Zakona i da li su svi ponuđači dostavili tehnički zadovoljavajuće ponude u skladu sa zahtjevima iz tenderske dokumentacije, te da li ponuđena roba odgovara predmetu nabavke i tehničkim specifikacijama.

Nakon pregleda i ocjene sve tri ponude, Komisija je konstatovala sljedeće:

1. Uvidom u ponudu ponuđača **ADUT PLUS d.o.o. Banja Luka**, Komisija za javne nabavke je ustanovila da ponuđač nije dostavio Uvjerenje o poreznoj registraciji sa ID brojem (original ili ovjerena kopija) na način kako je traženo Tenderskom dokumentacijom pod tačkom 14.2. b).

Dalje, za ocjenu tehničke i profesionalne sposobnosti ponuđači su bili obavezni dostaviti potvrdu/potvrde o uspješnoj realizaciji ugovora koji se odnose na robu koja je predmet nabavke (tačka 16. TD). Ponuđač ADUT PLUS d.o.o. Banja Luka je dostavio neurednu kopiju potvrde o uspješno izvršenom ugovoru jer na potvrdi stoji da je ista izdata na datum 15.08.2022. godine, dok je ovjera kopije izvršena kod nadležnog organa na datum

12.08.2022. godine, odnosno tri dana ranije.

Također, pod tačkom 18.3. TD predviđeno je da sva dokumentacija u ponudi treba biti na jednom od službenih jezika u BiH, odnosno ukoliko su dijelovi ponude na stranom jeziku obavezno je dostaviti zvanični prevod ovjeren od strane ovlaštenog sudskog tumača. Izuzetno se obavezni prevod ne odnosi na štampanu literaturu, brošure, nacрте, katalošku dokumentaciju i protokole o tipskim ispitivanjima materijala i opreme. Ponuđač je dostavio tri sertifikata koji nisu imali prevod, što je bio obavezan uslov jer se radi o dokumentima koji su eliminatorni u smislu prihvatanja ponude.

Zbog svega navedenog, Komisija je zauzela stav da je ponuda ponuđača ADUT PLUS d.o.o. Banja Luka neprihvatljiva ponuda, zbog čega je predložila da se ista odbaci u skladu sa članom 68. stav (1) i (4) tačka i) Zakona.

2. Uvidom u ponudu ponuđača **SALON BANKARSKE OPREME d.o.o. Sarajevo**, Komisija je konstatovala da je ponuđač dostavio tehnički zadovoljavajuću ponudu te da je ispunio sve uslove propisane članom 45. do 52. Zakona, kao i minimalne uslove za kvalifikaciju propisane tenderskom dokumentacijom.

U skladu sa prednje navedenim, Komisija je zauzela stav da je ponuda ponuđača SALON BANKARSKE OPREME d.o.o. Sarajevo prihvatljiva ponuda.

3. Uvidom u ponudu ponuđača **KABAS d.o.o. Sarajevo**, Komisija je konstatovala da je ponuđač dostavio tehnički zadovoljavajuću ponudu te da je ispunio sve uslove propisane članom 45. do 52. Zakona, kao i minimalne uslove za kvalifikaciju propisane tenderskom dokumentacijom.

U skladu sa prednje navedenim, Komisija je zauzela stav da je ponuda ponuđača KABAS d.o.o. Sarajevo prihvatljiva ponuda.

S obzirom da je na adresu ugovornog organa pristigao dovoljan broj prihvatljivih ponuda, a prema uslovima iz tenderske dokumentacije, Komisija je u skladu sa odredbama Pravilnika o uslovima i načinu korištenja e-aukcije ("Sl. glasnik BiH" broj 66/16), dana 22.08.2022. godine u 9,00 sati zakazala e-aukciju, prema kriteriju najniža cijena ponude, a prema tački 36. tenderske dokumentacije.

Nakon održane e-aukcije, koja je trajala 68 minuta, te shodno priloženom Izvještaju o toku i završetku e-aukcije (broj postupka: 1348-1-1-29/22 od 22.08.2022. godine), Komisija je predložila Ugovornom organu da se ugovor za nabavku roba "Namještaj i oprema za arhiv" u vrijednosti od 32.300,00 KM bez PDV-a, odnosno 37.791,00 KM (slovima: tridesetsedamhiljadasedamstotinadevedesetjedan i 00/100 KM) sa uključenim PDV-om dodjeli ponuđaču KABAS d.o.o. Sarajevo, Šeherćehajina čikma br. 3, 71000 Sarajevo, koji je dostavio prihvatljivu ponudu sa najnižom cijenom.

Komisija je sačinila Zapisnik o pregledu i ocjeni ponuda, broj: 01-16-3-1359-7/22 od 26.08.2022. godine, koji je sastavni dio ove odluke i kao takav se dostavlja svim učesnicima u postupku javne nabavke.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za provođenje postupka javne nabavke.

U skladu sa prednje navedenim, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalbu Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi direktno na Protokol Ugovornog organa ili preporučenom poštom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka. Uplata naknade za pokretanje žalbenog postupka vrši se u skladu sa Instrukcijom o načinu uplate, kontrole, povrata i naknada propisanih članom 108. Zakona o javnim nabavkama („Sl. glasnik BiH“ broj 86/14).

PREDSJEDAVAJUĆI
UPRAVNOG ODBORA

Ševket Hafizović

Dostaviti:

1. ADUT PLUS d.o.o. Banja Luka;
2. SALON BANKARSKE OPREME d.o.o. Sarajevo;
3. KABAS D.O.O. Sarajevo;
4. Predmet;
5. Arhiv

Prilog:

- Zapisnik o pregledu i ocjeni ponuda, broj: 01-16-3-1359-7/22 od 26.08.2022. godine.